

四庫全書

子部

欽定四庫全書

元和姓纂卷九

去聲隊韻  
至梵韻

唐 林寶 撰

十八隊

背

古背國在今衛州或作臂以國為姓

內史

風俗通周內史叔興之後因官氏焉周又有內史過

十九代

代

代君翟國也在常山之北今代州是也趙襄子所滅其遺族以代為姓史記趙有代舉漢有京兆代武

能音耐

姓苑云長廣人狀云楚熊摯之後避難改為能氏

京兆唐京兆少尹能延休鄆縣人上元中真州刺史檢校刑部尚書河北招討使能元皓生昱昱太僕

少卿

佴如代反

晉山公集有佴湛

戴

宋戴公之後以謚為姓宋大夫戴惡漢有信都太守  
戴德九江太守戴聖後漢有司徒戴就晉有戴逵宋  
有戴法興齊有僧靜

濟北 戴涉之後

譙國 戴逵之後逵弟邈大司農廣信侯

吳興長城 晉有戴洋入方術傳

魏郡斥丘 狀云戴德之後裔孫景珍後魏司州從

事景珍生胄唐吏部尚書參知政事生道國公仲孫

不仕仲孫生至德右僕射道國公生良紹

河東桑泉 狀云涉後唐司勳員外郎戴林璇生頎

水部員外

載

左傳有載國漢有載戴

二十一震

晉

周武王第三子叔虞封唐唐有晉水因改為晉傳國  
二十代為韓魏所滅子孫以國為姓魏有晉鄙漢有  
晉寶為安樂相

平陽 三輔決錄有晉文經漢有晉馮晉有尚書郎  
晉灼注漢書其先居平陽十代孫魏瓜州刺史廣至  
公暉居馮翊平東隋內史侍郎建平公暉孫昶後周

兵部尚書魏公衍元孫揆合州刺史

按衍字之  
上有脫文

蘭

音  
吞

韓厥元孫康仕趙食采於蘭因氏焉喬孫相如為趙  
上卿子孫仕秦隨司馬錯伐蜀因家成都

華陰鄭縣 魏末自蜀歸關中因居鄭縣喬孫維晉  
泰山太守維八代孫衡子仁志殿中監生嗣忠戶部  
員外驛左武侯大將軍楊國公

古去字

按上脫一  
字不可考

纂要文云人姓

進

後漢有進延為小黃門令見華嶠後漢書

遊音各

風俗通遊到云韓大夫著遊子三十篇晉有東陽太

守遊條

允寅去聲

風俗通允夏時侯國子孫氏焉



信都

風俗通云張敖尚魯元公主於信都因氏焉一云本  
申屠氏古信申音同故為信都氏北齊有信都芳河  
間信都芳明算術為丞相倉曹貞元初李納將信都  
承慶為青州刺史

二十三問

奮

畢奮之後一云芮伯奮之後以王父字為氏孟軻門

人奮章

扶風 後漢二十八將右將軍槐里侯奮修吳志丞

相奮式前涼有奮寬開元有奮齊融

按所引人姓名皆以萬為奮

河南 官氏志吐萬氏改為奮氏隋有穀城公奮緒  
弟績唐右武衛將軍

運

見姓苑

二十四焮

靳

風俗通楚大夫靳歙

按靳尚見史記楚懷王時人靳歙見漢書漢高祖時人應劭不

應錯繆至此疑當作楚大夫靳尚漢有信武侯靳歙又汾陽侯靳強侍寫脫落其文耳

又汾陽

侯靳強後漢末范令靳先後燕錄有太史令鴈門靳安唐金紫光祿大夫靳孝謨武功人吏部郎中靳恒館陶人又居汝南

二十五願

蔓

左傳楚有鬬成然食采於蔓後為蔓氏

獻

風俗通云晉獻公之後戰國有獻淵

建

風俗通云楚太子建之後漢有建公見元后傳

曼邱

尸子有曼邱氏齊有曼邱不擇

二十六恩

論

吐蕃大姓東祿讚生論欽陵論欽陵生贊婆贊婆生  
 弓仁唐右武衛大將軍弓仁生成節成節生惟貞惟  
 明惟賢惟貞右金吾大將軍生僚偕伍惟明檢校工  
 部尚書廊坊節度惟賢右羽林大將軍

頓

風俗通頓子國今南頓是也後為楚所滅子孫以國  
 為氏漢有頓肅

二十八翰

幹

見姓苑

幹獻

晉大夫范臯夷食采幹獻因氏焉

二十九換

段

鄭武公子共叔段之後以王父字為氏戰國韓相段

規三輔決錄云段氏李老君之自出段干木之子隱

如入闕去干為段氏

案段干氏羅泌謂初邑段後邑干因邑為氏魏世家有段干子

田世家有段干朋風俗通以為姓段名干木蓋以呂氏春秋干木富於義魏都賦干木之德自解紛之言

誤之唐表遂謂封段為干木大夫踈矣又木子名同為趙相無隱如名此云入闕為段氏亦屬傳會且春

秋時以段名者如鄭印段公孫段宋褚師段或文帝

其後以名為氏亦木可知未必定為共叔後也

時段印為北地都尉曾孫招生會宗貞會宗金城太守

守貞武威太守子孫始居武威九代至頰武威西涼建康太守段信稱太尉頰七代孫也信生連連生榮

後魏定秦二州刺史生孝先名詔

案北齊書詔作詔

北齊太

宰左丞相平原忠武王婁大張掖公

案詔傳封爵無張掖公字且詔

三子懿深亮亦無寶積元名當有脫悞生寶積元尚書左丞刑部侍郎

大理少卿生嗣元嗣道嗣基嗣元地官侍郎鄭州刺

史生崇謙嗣基東光令生崇簡右衛將軍鄭州刺史

崇簡生愷協怡愷少府監協太子舍人生孟嘗信陵

嗣道司僕少卿裔州刺史德操右監門大將軍

按德操上

有脫平原公五代孫搢大理司直隋朔二州刺史段



嚴狀云信次子後魏平東將軍基後生達隋吏部尚

書東京留守達生瑋唐殷州刺史瑋生懷節右武將

軍曾孫成象生平仲尚書左丞齊郡鄒平縣印十九

代孫紛

案唐世系表十  
九代作十四代

後魏晉興太守五代孫偃師

唐太子家令今貫河南偃師生志元左驍衛大將軍

生懷古懷藝懷簡

案唐世系表志元生璿璿珪璿生  
懷簡此作志元生懷簡中缺一代

懷藝坊州刺史少詹事瓘符璽郎朝邑令生懷昶懷

晏懷皎懷昶德州叅軍生文昌

案唐世系表懷昶生  
諤諤生文昌此作懷

昶生文昌  
中缺一代

左補闕長慶太和中書侍郎西川淮南京

東三節度生成式珪成式宣州長史生懷本洛州太  
守禮部郎中蘓州刺史同居滎陽又中年狀云滎陽  
少子孝方之後

汧陽 司農卿贈太尉忠烈公段秀實本威武嶷右  
驍衛將軍郇坊州刺史遼西鮮卑檀石槐之後晉有

段陸眷孫務勿座居遼西令友生匹磾受欲鹿段

業

書段匹磾之父務勿塵勿塵死子疾陸眷嗣匹磾為  
晉假撫軍大將軍死石勒之難惟末波存及末波死

子牙立牙死其後從祖就陸春之孫遠八代孫文振立此陸春之孫務勿座云云舛錯殊甚

隋兵部尚書北平侯又居北海斯原生確綸確唐御史大夫生孝機中書舍人孝叡洛州刺史生庭瑜機生粹徵粹化州刺史徵殿前侍御史綸工部尚書駙馬都尉紀國公生孝興文振四從姪子榮周潤州刺史孫高唐廬州刺史

諸郡段氏 左金吾大將軍廊坊節度段竒京兆人 生岌嵩寧汾原節度檢校兵部尚書祐雲南狀云魏

末段延沒蠻代為渠師裔孫憑入朝拜雲南刺史孫  
左領大將軍生子光子游子英子光試太僕卿長川  
王生秀試大常卿子英率府遂郡王神營州兵馬使

灌

風俗通斟灌氏夏諸侯也子孫以國氏焉漢丞相潁

陰侯灌嬰嬰孫賢汝陰侯案漢書賢封臨汝侯神仙傳灌叔本

漢太僕卿灌夫父張孟嘗為嬰舍人易姓灌氏列僊

傳有灌光

爨

後漢河南尹爨肅見謝承後漢書蜀志交阯刺史爨

琛

按廣韻琛作深

建寧大姓也又寧州刺史爨頤華陽國志

爨習官至領軍昌寧大姓也

冠

姓苑云有此姓云冠高帝之後

冠軍

漢霍去病封冠軍侯支孫因氏焉

襄陽 漢有太傅東海王參軍冠軍夷

按句有脫誤

三十諫

諫

周禮有司諫子孫以官為氏

晏

左傳晏桓子名弱齊公族漢司隸校尉晏南漢書御  
史晏忠見風俗通南燕有晏漢

晏龍

古颺叔安裔子

三十一欄

簡

亡覓切

姓苑云人姓

三十二霰

燃

女見反

見纂要今同州有此姓

練

見姓苑云人姓

見

見姓苑云人姓

薦

見姓苑云人姓

縣潘

衛大夫有縣潘氏

三十三線



卞

出自姬姓曹叔振鐸之後支庶食采於卞因以氏焉

魯有卞莊子楚卞和濟陰寃句人

按晉書卞壺之父曰粹壺之子眈眈

眈眈眈眈眈父難一贈散騎侍郎一贈奉車都尉眈位至廣州刺史眈眈尚書郎姓纂既失引忠貞又紊其世次至濟陰寃句為忠孝之里而緹之卞和之下尤穿鑿不經魏卞揖生統為晉琅

琊內史生粹中書令子眈眈眈又桓元長史卞範之

宋卞彬

賤

風俗通漢左北平太守賤瓊

單

可單氏改為單氏

眷

代北戎眷氏改為眷氏

變

見姓苑云人姓

戰

後漢初戰兢為諫議大夫

三十五笑

邵

邵公奭周同姓受封於燕傳國四十餘代其支庶為  
卿士邵穆公武公邵廖邵昭公並其後也秦有邵不  
疑

汝南 漢汝南太守邵安唐都官郎中邵昇自安陽  
徙汝南弟昺考功員外

安陽 狀云稱信臣之後青州刺史邵休其先避事  
加邑為邵氏晉邵竒壽春太守五代孫知新唐刑部  
郎中又殿中御史邵瓊之相州安陽人生摯說摯監  
察御史生中和說吏部侍郎生渾滄

少

少昊氏之後一云少典之後禮記少連善居喪東夷  
之子

召

召公奭之後或作召齊召忽漢功臣廣侯召歐又南

陽太守召信臣生馴孫休

案通志  
休作材

邵皓

世本惠公族羌子孫憲為邵皓氏

召伯

左傳召伯奭之後

少室

國語少室周趙簡子右也

三十六效

校

出自周官校人之後以官為姓天寶河南士曹校傑

孝

齊孝公支孫以謚為姓

三十七号

部

國名在濟陰以國為姓

安定 唐殿中御史陝州刺史郃宏基生貞鉉虞部  
員外郎鉉即中書令張東之之甥也

暴

暴公周卿士見毛詩應劭風俗通云暴辛周諸侯也  
漢書御史大夫暴勝之字公子河東人

浩

音告

今隰州刺史浩聿狀云郃氏因避難改為浩氏聿子  
虛舟

漕

漢書游俠傳漕仲叔西河人少子游亦以俠聞

嫪

郎到切

秦莊襄太后有嬖人嫪毐

到

楚令尹屈到之後以王父字為氏

好

大報反

見纂要文



三十八箇

賀

姜姓齊公族慶父之後慶克生慶封以罪奔吳漢末  
徙會稽山陰後漢慶儀為汝陰令慶普之後也曾孫  
純避漢安帝父諱始改賀氏孫齊吳大將軍齊孫中  
書令劬劬生晉太子太傅修修十二代唐太子中書  
舍人德仁德仁姪孫彭州刺史默德仁姪曾孫太子  
賓客知章生曾

河南 官氏志賀蘭氏賀賴氏並改姓賀

賀拔

與後魏同出陰山代為酋長北人謂地為拔謂其總  
有其地時人相賀因氏焉

河南洛陽 後魏有賀拔爾頭自武州為河南人生  
紇紇生允勝岳允後魏大尉燕郡王尚書令勝太師  
琅琊公岳雍州刺史關西岳水公岳曾孫儼唐右監  
門將軍孫延嗣度支郎中右金吾將軍爾頭少子生

仁後魏太宰安定王孫賀拔云一給事中元正司門

郎中長慶中進士賀拔葱

宋賀拔甚與白敏中友善見唐撫言此作葱疑誤

賀蘭

代居元朔隨魏南遷河洛魏以忠貞為賀蘭因命以氏孝文時代人咸改單姓唯賀蘭氏不改遠祖達羅安樂王

河南洛陽 達羅統生敦誼周金州總管武都公生

崇弼東宗孫儼湖州刺史弼隋揚州總管宋公生懷

廓懷默懷武懷廓唐禮部郎中懷默殺州刺史祀公  
東周榮公生孝義唐尚書左丞生景約景慎景約祀  
王司馬生憚憚生庭芝憚生誕誕生察給事中察  
生公遂景慎兵部郎中生誼隋靈州刺史海陵公

### 賀婁

代人本居漠北以國為氏孝文改為樓氏

河南 後魏鎮西大將軍廣陵王賀婁伏連生大拔  
蒙曾孫行本唐鳳州刺史梁公泉武安公竇後魏太

子太傅廣平伯生景賢陽平公景賢生詮詮子幹隋  
鉅鹿公生積唐太子舍人

賀遂

本居元朔隨魏南徙孝文改房氏

河南 唐引仁府統軍賀遂豐生封涇源縣公貫整

屋

按姓氏辨証屋引條云唐雲麾將軍屋引  
宏生統軍豐豐生渭南郡公封疑此有誤

賀悅

賀遂氏音訛為賀悅今關西有此姓焉後周柱國太

尉李弼賜姓賀悅氏

賀術

魏初賀術祁居質安山因以為氏焉

三十九過

播

風俗通播鼗武殷末之賢人

按古今人表注曰自師擊以下八人皆殷末人

四十禡

華

宋戴公子考父說食采於華因氏焉華元華宣華亥  
並為宋卿漢功臣表華毋害傅封四代又華成華嬰  
平原高堂華嬰玄孫魏司徒博平侯華歆生表表  
生廙嶠廙生垣又華譚為秘書監齊華寶隋孝義傳  
汲郡華秋

沛國譙縣 魏志華佗

謝

姜姓炎帝之允申伯以周宣王舅受封於謝今汝南

謝城是也後失爵以國為姓焉

射

三輔決錄云後漢末鴻臚射服天子以服為將軍出征姓射名服不祥也改姓謝名咸子登授登蜀郡太守授中郎將

拓

楚大夫以地為氏急就章漢有拓温舒

耳



風俗通云新鄭人楊耳村在縣西二十五里

舍

見姓苑

晉

音亞

見纂要

舍利

北蕃酋帥有吐密支頡利後姓執矢氏生思力唐右

驍衛大將軍定襄州都督駙馬都尉尚高祖女九江

公主生紹德紹宗師仁歸真也

謝邱

風俗通周宣王支子食采謝邱因氏焉漢書古今人表魯有謝邱章

下軍

左傳晉將欒黶為下軍大夫子孫氏焉

亞飯

殷末賢人亞飯干之後

四十一漾

向

宋桓公子向父盼孫成爲左師子孫氏焉向爲人向  
寧鄭向宜並其後後漢有向長字子平

河內山陽 後漢侍中向栩五代孫秀黃門侍郎後

漢又有向韶生雄琰雄晉河南尹琰生秀黃門侍郎

宋有向彌並河內人

按琰生秀因  
上文脫誤

汲郡 唐戶部尚書向衡子振總向長之後

暢

陳留風俗傳有暢悅河東人狀云本望魏郡瓘子當  
悅子偃又詩人暢諸汝州人許昌尉

諒

後漢諒輔為洛陽令廣漢人

上尹

左傳楚上尹壽之後禮記楚上尹商陽

案左傳上尹禮記亦作工

尹此誤

上成

後漢書密縣上成公白日昇天

上梁

莊子有上梁倚

尚方

傅餘顏復姓錄有尚方氏

匠麗

鄭穆公時匠麗冠之後著書八篇

唱盆

改為溫氏

四十二宥

伉

音抗

晉有漢中大夫伉嘉

四十三映

孟

魯桓公子慶父之後號曰孟孫因以為氏又衛襄公

長子孟縶之後亦曰孟氏齊孟軻字子展秦有孟說  
平昌安邱縣 孟敬子生滕伯伯生廖廖生軻居高  
密置平昌郡因為郡人漢孟觀二十二代孫說說生  
倭刑部郎中孫簡常州刺史觀孫珩又居相州珩十  
一代孫唐禮部尚書温子皓晄晄晄奉天令生遂  
晄左補闕晄生迢河陰令晄右丞京兆尹生通逵逢  
通迪逵逢司農少卿迪大理少卿  
按孟子非齊人字  
子展亦未詳所自

東海 漢孟卿以學顯名

鉅鹿 後漢孟敏

武威 後梁孟禕

江夏武昌

吳侍中孟宗 晉孟嘉弟 陋

按晉書孟陋為孟宗之曾

孫 宋孟昶封臨淮公 弟顛 兄弟為僕射

敬

陳厲公子敬仲之後以謚為氏 姓苑云黃帝孫敬康之後 秦有敬丕子教為平陽太守

平陽 敬教子孫因官家焉 裔孫歆 漢末為揚州刺



史六代孫頻後魏北平太守曾孫顯携北齊僕射永安公弟法朗法延曾孫人綱生彥琮山松仙客彥琮唐愛州刺史山松澄城令生暉皎暉右丞侍中平陽王生讓誠詢謹讓尚舍奉御誠魯郡太守右威武大將軍詢比部員外郎仙客蔚州刺史法朗曾孫君宏右衛將軍黔昌公孫昭道

河東 狀稱望平陽南涼抱罕太守敬歸七代孫播唐給事中監國使生非虞部員外播三從孫昭道監

察御史生羽侍御史三從兄弟昶許州司馬生令則  
臨汾令令則生德煇德秘書郎生揖擢括撫揖太子  
家令生寰寓括字叔弓兵部侍郎御史大夫生騫密  
寬寬京兆尹生昕晦皦煦騫逮州刺史生性安大理  
評事撫太子舍人煇給事中生挺

廣平 敬歆後今無聞

慶

姓苑慶父之後慶克慶封慶封奔吳子孫徙下邳漢

東平太守普治禮

按陸德明釋文序目慶普治禮記漢東平太傅作太守誤

又陳

卿慶餘

按左傳陳有慶虎慶寅慶餘未詳

晉慶鄭漢末慶氏自下邳

又徙會稽慶鴻洛陽人慶儀後漢汝陰令孫慶酺子

侍中質諱姓賀氏

按前賀姓姓纂云賀純避漢安帝諱改賀氏此云質與前不合

竟

見姓苑有竟氏

慶師

見姓苑

四十五勁

鄭

周厲王少子支封於鄭是為桓公在畿內今華州鄭縣是也威公生武公與晉文公夾輔平王東遷於洛鄭徙溱渭之間謂之新鄭傳封十三代至幽公為韓所滅子孫播於陳宋以國為氏幽公六代孫榮號鄭君生當時漢大司農

滎陽開封 當時六代孫穉漢末自陳徙河南開封

晉置滎陽郡開封隸焉遂為郡人穉生興興生衆後  
漢大司農曾孫熙生秦渾渾魏少府生崇晉荊州刺  
史曾孫略前趙侍中生豁楚楚生溫燕太子詹事生  
三子暉恬蘭暉號北祖恬號中祖蘭號南祖暉七子  
白麟小白叔夜洞林歸藏連山幻麟因號七房鄭氏  
盛

周同姓國也為齊所滅穆天子傳盛姬姓之國也公  
羊傳云成降於齊師成者盛也諱滅同姓故言成也

廣陵 吳有盛冲晉有盛彥事母孝仕至中書侍郎  
又錢唐令疑唐左驍衛將軍滄州摠管盛彥師

聖

見姓苑

正令

其先周官儀僕堂貳車正令因氏馬家語有正令赤

秦人孫子弟子

案家語無此名孫  
子弟子亦有脫誤

四十六徑

甯

衛康叔之後至武公生季亶食采於甯弟頃叔生跪  
跪孫速速生武子俞俞生殖殖生悼子喜九世卿族

按左傳魯莊公六年放甯跪於秦魯哀公四年甯甯  
跪救范氏春秋有兩甯跪杜預皆未詳其系又成公  
二年衛侯使甯相侵齊杜預註甯相甯俞子又成公  
十四年衛侯饗苦成叔甯惠子相即甯殖也杜預不  
注其系然則甯相乃甯俞之子未聞生殖也又襄公  
二十五年傳曰九世之卿族一朝而滅之杜預注甯  
氏出衛武公至喜九世姓  
纂止有七世皆參差不合

齊有甯戚周有甯越

安平 魏京兆太守甯康

洛陽 晉寧欽

華陰 狀云昶後唐吏部侍郎寧允忠

河東 漢太僕寧成代居河東又餘抗令武

欽州 梁有愛州刺史寧達居欽州寧頊曾孫師表  
師宗師表唐領軍大將軍沈國公師宗孫愷諫議大  
夫撰國史

四十七證

乘馬



漢書溝洫志有諫議大夫乘馬延年又張掖有乘馬  
敷

四十八嶝

鄧

曼姓殷時侯國也春秋時鄧侯吾離朝魯後為楚文

王所滅子孫以國為氏鄭有鄧祁

按左傳鄧析  
此作祁誤

南陽 後漢太傅高密侯鄧禹其先居南陽子震嗣

次子訓女和帝皇后襲封昌安侯少子珍封夷安侯

晉永嘉亂居丹陽陳亡入長安禹裔孫乾南陽城大  
守乾魯孫嵩唐魏州刺史臨川公嵩孫暉刑部尚書  
淮陽子生汪冲温洋洋比部員外温杭州刺史

安定 隲七代孫晉生武威太守因居安定始家焉  
子羌符秦并州牧左僕射羌裔孫素唐兵部郎中南  
陽伯又居藍田素子元挺吏部侍郎元機兵部郎中  
又著作郎鄧行儼亦云羌後隲裔孫唐尚書右丞揚  
州長史景山代居洛陽

平陽 晉右僕射鄧攸字伯道亦禹之後兄子倭

長沙 太傅禹後晉有鄧粲荊州刺史為桓沖別駕

陳郡 太傅禹之後晉有鄧嶽為廣州刺史子遐號

為名將

鄧陵

楚公子食邑鄧陵因氏焉鄧陵子著書見韓子

四十九宥

富

左傳周大夫富辰之後又魯大夫富父終甥之後亦單姓富鄭大夫有富子

陳留 漢有富留人為公田使者見風俗通陳留先賢傳有陳留太守富允又唐晉陽尉富嘉謨

蘭陵 魏志富襲字熙伯伯生之後也為尚書今論語解前燕錄富愷蘭陵人

廖力救反

風俗通古有廖叔安左傳作颺蓋其後也漢有廖顛

為鉅鹿太守

汝南 平輿人漢方士廖狀生孟舉仲舉

襄陽 蜀志有廖化為大將軍中鄉侯襄陽人

武陵臨沅 後漢桂陽太守廖析又蜀志廖湛廖立

廖位至侍中長水校尉

按蜀志廖立位至長水校尉廖字立字之誤

副

風俗通周公忌父之後以王父字為氏

紫魏志副呂氏改為副氏

又為呂字此言忌父後為副氏當有脫悞

舊

見姓苑

河南 官氏志菟賴氏改為舊氏

宋後魏志菟賴氏就賴氏俱改為就

氏無舊字姓纂已載於就氏下此重出

就

見姓苑

河南 後魏官氏志菟賴氏改為就氏

畫

風俗通齊大夫食采畫邑因氏焉

右

晉屠擊將右行因氏焉

授

見姓苑

富父

魯富父終甥之後見左傳魯又有大夫富父槐

庇尹

楚大夫廐尹然之後

五十候

竇

姒姓夏少康之後帝相遭有窮之難其妃后緡方娠  
逃出自竇而生少康支孫以竇為氏至周世為大夫  
竇驪為晉大夫仕趙簡子裔孫漢丞相嬰

扶風 竇嬰之先本居清河觀津後徙扶風平陵漢  
章武侯竇廣德女為文帝皇后生景德兄子彭祖南



皮侯兄子彭嬰魏其侯嬰七代孫融後漢大司空安  
豐侯生穆穆生勲勲生憲憲大將軍武陰侯女為安  
帝皇后融生固裔孫武大將軍槐里侯女為桓帝皇  
后魏晉以後竇氏史傳無聞

河南洛陽 狀稱本扶風人竇武被誅後人鴈門太  
守統北奔鮮卑拓拔部為沒鹿回部大人賜姓紇豆  
陵氏魏孝文改為竇氏女為元帝后六代孫漏頭蓮

東王

按唐世系表竇巖從魏孝武徙洛陽生三子那  
敦略略字六頭生五子興拔岳善熾又竇巖兄

竇拓封遼東王  
遼當是遼字誤并有脱文  
孫略生岳處毅岳處後周大司

馬杞公女高祖太穆皇后生太宗毅生昭昭生彥彥

生德明

按疑脱德素一人

冲德元德洽德明常州刺史德素

工部郎中冲陝州刺史生義節號州刺史生戒盈戒

言戒言生萱蘭

崇唐世系表萱蘭作庭萱庭蘭

蘭國子司業萱衛尉

少卿戒盈青州刺史生庭芝庭華庭芝陝州刺史庭

華中書舍人生叔展申昱叔展右拾遺申給事中昱

左司員外德元戶部尚書左相鉅鹿侯生懷恪懷質

懷讓懷讓德州刺史生思仁金吾將軍懷恪湖州刺  
史懷質左僕射中山公姪崇嘉考功郎中德洽工  
部郎中毅少子招賢隋遷州刺史神武公孫德藏生  
虛運虛樊虛運生恂華州刺史虛樊右屯田將軍生  
善西魏華州刺史永富公善生榮定隋冀州刺史陳  
公榮定生抗慶瓌抗納言陳公生衍靖誕幹師綸師  
武師仁衍左武侯將軍生孝儉孝威孝忠孝儉生畢  
太僕少卿孝忠蘭州刺史靖戶部尚書封信都公生

達遜遼遼駙馬生松壽殿中少監遜兵部郎中遼蔡  
州刺史誕刑部尚書莘公生孝慈孝立孝冲孝臻孝  
誠孝果孝諶孝禮孝慈工部郎中德州刺史生希玠  
希璈敬賓希玠禮部尚書少傅莘公生錫銳錫驍右  
衛將軍希璈蓬州刺史生銓滑州刺史銓生賓兵部  
郎中河南少尹孝立孫鎮左武衛將軍生顥項項洋  
州刺史孝臻夷州刺史生瑾瑾生審言聞喜尉審言  
生畿權參權著作郎參中書侍郎平章事吏部尚書

生景伯兼監察御史孝誠溪州刺史孝果生維銑金

水部郎中孝諶潤州刺史贈太尉女睿宗昭成皇后

生元宗孝諶生希瑊希球希瓊

按疑脫希瑊一人

希瑊太子

少傅幽公生鍊鋼鍊司農卿鋼將作監同正希球太

子賓客異靖公生鑑鑑生榮虞部郎中希瓊開府太

子少傅畢公生鏐濬沔鏐駙馬秘書監同正生克恭

濬涇王傳沔濟王傳生克良克溫克良駙馬希琬衛

尉少卿生鋒太僕少卿鋒生昱昱隋州刺史昱鳳

州刺史孝禮涇原令生瑋璉良賓瑗瑋遂州刺史璉

京兆少尹生紹宗繹績績級紹給事中荊州長史生

寓繹駙馬衛尉卿績奉先令良賓生林司封郎中瑗

光祿卿生旣旣生又太府卿同正師綸太府少卿生

尚義尚烈尚義生瓚道州刺史尚烈生進右庶子進

生蒙泉按唐世系表泉作鼎蒙太原令泉都官郎中師武生孝

道孝約孝綽孝綽生景景生履廷履信履廷梓州刺

史生暄履信鴻臚卿慶生智純智宏智圓按世系表智仁蒲州

刺史  
脫名

蒲州刺史智宏生懷玉懷袒懷玉婺州刺史懷

袒生從之從光從昭從之左司郎光生靚靚戶部

侍郎揚府長史智圖開州刺史璉禮部尚書鄧公生

普行左監門將軍長史饒州刺史普行生總汾州刺

史總生宏儼屯田員外竇熾周太保鄧公生恭州刺

史軌曾孫克順將作少監恭少子琮晉州刺史生孝

謙洛州刺史竇覽孫孝仁

梁唐世系表  
孝仁作孝永

濟州刺史孝

鼎司勳郎中竇深生襲右武衛將軍襲生文表文表

生季爽季安季安湖州刺史曾孫至柔爽開州刺史

竇疑孫德宗播州刺史竇誼孫有意

紫唐世系表誼生有意此作誼

孫不

合熊州刺史生元誨諫議大夫竇威內史令延安

公生憚金部侍郎岐州刺史憚生炅炅生栩

紫唐世系表炅

作炅栩作誦

棣王傳觀津公栩生顥撫州刺史唐左衛將

軍竇善衡云扶風鞏水部員外牟洛陽令羣御史中

丞今開州刺史庠潼州刺史叔向從父弟或廬州刺

史生易直從直敬直興公易直兵部郎中御史中丞



從直兼殿中御史或堂兄子端房州刺史竇藥師云  
略後

寇

蘓忿生為司寇子孫以官氏焉又云衛康叔為周司  
寇支孫以官為氏秦滅衛君甫家于上谷八代孫恂  
上谷昌平 恂漢執金吾雍奴侯曾孫榮榮生孟魏  
馮翊太守徙家馮翊元孫循之生讚讚生臻後魏七  
兵尚書汝南生儁西魏司空賜姓口引氏

案魏書寇讚傳讚子

臻官至宏農太守臻次子祖禮官廷尉尚書贈七兵  
尚書昌平男祖禮弟儁始賜姓若口引氏此以臻為  
七兵尚書悞汝南二字  
亦有脫口引氏脫若字  
儁曾孫宏唐戶部侍郎武林

公

馮翊 蘓忿生之後以官為氏魏有散騎常侍寇閱

閱生明晉河東太守明生未安安生邪後魏建節將

軍夏陽子曾孫勇周儀同通城侯勇生迪迪生志覽

唐洛州功曹歸州刺史志覽生恩遠曹州長史恩遠

生毗兵部郎中

河南 官氏志口引氏改為寇氏

關

左傳楚若敖之後有闞班生伯比伯比生闞穀於菟  
字子文代為楚卿有此姓

鏤

姓苑云今遼東有此姓

關文

英賢傳云關伯比之後支孫關文仕晉因氏焉

關門

世本陳關父之後楚大夫有關門陽

關班

楚若敖強生關文子因氏焉

關者

世本云子姓也

豆盧

本姓慕容燕王廐弟西平王慕容運孫精之後

昌黎棘城

精生猶醜猶醜魯孫長永思寧寧生勣

勣生毓周隋並有傳永思生通通生寬唐禮部尚書

芮定公寬生承業懷讓承業領軍將軍生欽望欽奭

欽肅欽望內長史左僕射欽奭光祿少卿欽肅生靈

昭宣州刺史靈昭生叅回器友叅右威衛將軍回京

兆少尹友萬年令懷讓生貞松宗正卿中山公貞松

生光祚光祚生建駙馬通孫方則生楷楷生元儼元

儼生志靜志靜生魯元侯魏太保襄城公五代孫達

唐殿中監靈壽公生仁宗達堂姪曾孫子騫監察御  
史生陸渾元孫祥生讓曾孫挹挹生鄭廊鄭生靜

五十二沁

禁

姓苑云吳興人

五十四闕

闕

齊卿闕止之後

會稽山陰 闕駟撰十三州志吳侍中闕澤字德潤  
唐右領軍闕稜

五十六橋

念

西魏大傅安定公念賢代人也子華台州刺史

五十九鑑

監

風俗通云衛康叔之後

六十梵


汜

漢有汜勝之為黃門侍郎其先周大夫食采於汜因以為氏

燉煌 勝之後晉有郎中汜騰張掖太守汜彥天寧有刑部郎中汜雲南鄭縣尉汜叔教並其後也

濟北盧縣 晉有汜毓字稚春七代同居晉武帝徵為秘書郎不就著書七萬言





元和姓纂卷九